

Broj: 449/22

Datum: 3.10.2022. godine

ZAPISNIK

Sa 12. redovne sjednice Školskog odbora, održane dana 29.09.2022. godine u 17:30 sati u prostorijama škole

Prisutni članovi: Džanela Malkić – predstavnik Ministarstva, Indira Uzunović – predstavnik radnika, Nusret Aganović – predstavnik Općine Novo Sarajevo, Samra Prašović predstavnik roditelja/staratelja.

Ostali prisutni: Nermina Planinčić, direktorica škole, Đonlić Azra – sekretarka škole, Sekretarka škole je dostavila članovima Školskog odbora materijal za sjednicu, pravovremeno, elektronskim putem.

Na prijedlog predsjednice Školskog odbora, predloženi Dnevni red se dopunjava i kao takav utvrđuje i usvaja:

DNEVNI RED:

1. Usvajanje zapisnika sa jedanaeste (11.) redovne sjednice Školskog odbora;
2. Donošenje Odluke o usvajanju izvještaja o realizaciji GPRŠ za školsku 2021/22. godine
3. Donošenje Odluke o usvajanju GPRŠ za školsku 2022/23. godinu
4. Razmatranje molbe za smanjenje cijene zakupa fiskulturne sale (KK RESPECT)
5. Usvajanje Izvještaja o radu Komisije koja prethodi provođenju procedure izbora direktora/ice škole na mandatni period od četiri godine
6. Informacija o rezultatima glasanja vijeća roditelja i radnika škole u proceduri izbora direktora/ice škole (dostavljanje Zapisnika o konačnim rezultatima glasanja vijeća roditelja i radnika škole)
7. Tekuća pitanja

AD- 1 Usvajanje zapisnika sa jedanaeste (11.) redovne sjednice Školskog odbora;

Predsjednica je dala na izjašnjavanje članovima školskog odbora na Zapisnik sa 11. redovne sjednice školskog odbora. Članovi Školskog odbora se izjašnjavaju da nemaju primjedbi, sugestija i dopuna na Zapisnik sa 11. redovne sjednice Školskog odbora.

Nakon glasanja konstatuje se da je zapisnik sa 11. redovne sjednice Školskog odbora jednoglasno usvojen od strane svih članova Školskog odbora.

AD-2 Donošenje Odluke o usvajanju izvještaja o realizaciji GPRŠ za školsku 2021/22. godine

Članovi Školskog odbora, nakon analize Izvještaja o realizaciji GPRŠ za školsku 2021/22. godinu jednoglasno donose Odluku o usvajanju istog.

Na osnovu nacrtu Izvještaja o realizaciji Godišnjeg programa rada škole za školsku 2021/2022.godinu od strane direktorice škole i utvrđenog prijedloga istog na 2. (drugoj) redovnoj sjednici Nastavničkog vijeća održanoj dana 28.09.2021. godine, člana 27. Zakona o

osnovnom odgoju i obrazovanju („Službene novine Kantona Sarajevo“ broj: 23/17, 33/17 i 30/19, 34/20, 33/21) i člana 4. Poslovnika o radu Školskog odbora, Školski odbor na 12. (dvanaestoj) redovnoj sjednici održanoj 29.09.2022. godine, donosi sljedeću

O D L U K U

Član 1.

Usvaja se Izvještaj o realizaciji Godišnjeg programa rada škole za školsku 2021/2022. godinu

Član 2.

Nastavni plan i program, predviđen prema Godišnjem programu rada za školsku 2021/2022. godinu je realizovan sa potrebnim fondom nastavnih sati.

Član 3.

Nastavne i vannastavne aktivnosti predviđene Godišnjim programom rada škole su i ostvarene.

Član 4.

Izvještaj o realizaciji Godišnjeg programa rada škole za školsku 2021/2022. godinu čini sastavni dio ove odluke i sastavni je dio Godišnjeg programa rada za školsku 2022/2023. godinu.

Član 5.

Odluka stupa na snagu danom donošenja.

Obrazloženje

Nakon razmatranja Izvještaja o realizaciji Godišnjeg programa rada za školsku 2020/2021. godinu, isti je usvojen, te nije bilo većih poteškoća u realizaciji nastavnog plana i programa, pa je ustanovljeno da je ostvaren nastavni plan i program sa posebnim brojem nastavnih sati. Nastavne i vannastavne aktivnosti predviđene Godišnjim programom rada za školsku 2020/2021. su i ostvarene. Izvještaj čini sastavni dio Godišnjeg programa rada škole za školsku 2022/2023. godinu.

Na osnovu gore obrazloženog, odlučeno je kao u dispozitivu ove odluke.

AD – 3 Donošenje Odluke o usvajanju GPRŠ za školsku 2022/23. godinu

Članovi Školskog odbora jednoglasno donose odluku o usvajanju Godišnjeg programa rada škole za školsku 2022/23. godinu.

Na osnovu nacrtu Godišnjeg programa rada škole za školsku 2022/2023. godinu od strane direktorice škole i utvrđenog prijedloga istog na 2. (drugi) redovnoj sjednici Nastavničkog vijeća održanoj dana 28.09.2021. godine, u skladu sa Pravilnikom o izmjenama Pravilnika o sadržaju i načinu vođenja pedagoške dokumentacije i evidencije u osnovnoj školi – Metodologijom broj: 11-01-05-10096-1/16 od 20.07.2016. godine („Sl. novine KS“ broj: 42/16, 3/20), Školski odbor je nakon pregleda svih utvrđenih segmenata ovog akta, na osnovu člana 27. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17 i 30/19, 34/20, 33/21), te pozitivnog mišljenja Instituta za razvoj preduniverzitetskog obrazovanja o nacrtu GPRŠ-a, broj: 1879/22 od 21.09.2022. godine i člana 4. Poslovnika o radu Školskog odbora, na 12. (dvanaestoj) redovnoj sjednici održanoj 29.09.2022. godine, donio sljedeću

O D L U K U

Član 1.

Usvaja se Godišnji programa rada škole za školsku 2022/2023. godinu.

Član 2.

Godišnjim programom rada škole je predviđena cjelokupna aktivnost rada škole za tekuću školsku godinu.

Član 3.

Precizirani su nosioci aktivnosti i datumi realizacije za GPRŠ u školskoj 2022/2023. godini.

Član 4.

Godišnji program rada škole za školsku 2022/2023. godinu čini sastavni dio ove Odluke sa pratećim tabelama, te se dostavlja u elektronskoj verziji, po jedan primjerak osnivaču, odnosno Ministarstvu i nadležnom organu Općine Novo Sarajevo.

Član 5.

Odluka stupa na snagu danom donošenja.

Obrazloženje

Nakon razmatranja Godišnjeg programa rada za školsku 2022/2023. godinu, ustanovljeno je da su pomenutim precizirane sve nastavne i vannastavne aktivnosti, te nosioci aktivnosti istih, prema navedenoj Metodologiji. Naznačeni su ciljevi i zadaci, osnove i aspekti, uvjeti rada škole, sadržaj i obim odgojno-obrazovnog rada, realizacija plana i programa odgojno-obrazovnog rada, komunikacija sa javnošću, program rada, realizacija plana i programa, program rada uprave i stručnih saradnika, predstavnici Vijeća učenika i predstavnici Vijeća roditelja, kao i drugi segmenti koji ga sačinjavaju.

Razmatravši navedene stavke i pregledajući sadržaj pomenutog, Školski odbor je navedeni akt i usvojio.

Na osnovu gore obrazloženog, odlučeno je kao u dispozitivu ove odluke.

AD – 4 Razmatranje molbe za smanjenje cijene zakupa fiskulturne sale (KK RESPECT)

Članovi Školskog odbora jednoglasno donose Zaključak da ostaje na snazi Odluka Školskog odbora broj: 897-1/21 od 05.10.2021. godine, a prema kojoj je utvrđena cijena iznajmljivanja/korištenja sportske sale za iznosi po terminu 40,00 KM - radnim danima (od ponedjeljka do petka) i 30,00 KM za dane vikenda (subota i nedjelja) u trajanju od dva školska časa 1:30h.

AD – 5 Usvajanje Izvještaja o radu Komisije koja prethodi provođenju procedure izbora direktora/ice škole na mandatni period od četiri godine

Članovima Školskog odbora jednoglasno usvajanju Izvještaj o radu Komisije koja prethodi provođenju procedure izbora direktora/ice škole na mandatni period od 4 godine.

Komisija koja provodi proceduru koja prethodi proceduri izbora i imenovanja direktora/direktorice JU OŠ „Hrasno“ Sarajevo (u daljem tekstu: Komisija) je imenovana na osnovu Odluke Školskog odbora broj: 383/22 od 02.09.2022. godine i to: Azra Đonlić, Alma Oković, Majda Halilović.

Javni konkurs za izbor i imenovanje direktora/direktorice JU OŠ „Hrasno“ Sarajevo je dana 05.09.2022. godine objavljen u dnevnim novinama „Dnevni avaz“ i na službenoj internet stranici Ministarstva za odgoj i obrazovanje Kantona Sarajevo, te je bio otvoren za prijave 15 dana od dana posljednjeg objavljivanja.

Dana 22.09.2022. godine Komisija je održala prvu sjednicu na kojoj je za predsjednika Komisije izabrana Azra Đonlić, za zamjenika predsjednika Majda Halilović, a za zapisničara Alma Oković. Na istoj sjednici je jednoglasno usvojen Poslovnik o radu Komisije, te se pristupilo otvaranju i pregledanju zaprimljenih prijava na konkurs za izbor i imenovanje direktora/direktorice JU OŠ „Hrasno“ Sarajevo. Konstatovano je da su zaprimljene prijave evidentirane i protokolirane pod brojem: 416/22 od 19.09.2022. godine (Emina Mekić), broj: 417/22 od 19.09.2022. godine (Nermina Planinčić).

Komisija je izvršila detaljan uvid u dokumentaciju imenovanih i jednoglasno utvrdila da je dokumentacija potpuna i da prijavljeni kandidati ispunjavaju uslove Konkursa.

U skladu sa Pravilnikom o izboru, imenovanju i razrješenju direktora osnovnih škola u Kantonu Sarajevo (“Službene novine Kantona Sarajevo“ broj: 2/18 i 32/18, 30/19) sačinjena je lista kandidata koji ispunjavaju uslove javnog konkursa za izbor direktora/direktorice koja je Komisija uz svu pristiglu dokumentaciju za prijavljene kandidate sa listom kandidata i propratnim aktom, kovertirala i adresirala na Ministarstvo za odgoj i obrazovanje Kantona Sarajevo, Općinu Novo Sarajevo, predsjednika Vijeća roditelja i povjerenika sindikalne podružnice JU OŠ „Hrasno“.

Navedena dokumentacija je istim dostavljena 23.09.2022. godine.

Dana 23.09.2022. godine Komisija je predsjedniku Vijeća roditelja JU OŠ „Hrasno“ dostavila 36 komada ovjerenih glasačkih listića, ovjereni spisak članova Vijeća roditelja na kome je evidentirano 36 roditelja, jednu glasačku kutiju.

Istog dana Komisija je sindikalnom povjereniku JU OŠ „Hrasno“ dostavila 85 komada ovjerenih glasačkih listića, ovjereni spisak radnika škole na kome je evidentirano 85 radnika, jednu glasačku kutiju.

AD – 6 Informacija o rezultatima glasanja vijeća roditelja i radnika škole u proceduri izbora direktora/ice škole (dostavljanje Zapisnika o konačnim rezultatima glasanja vijeća roditelja i radnika škole)

U skladu sa članom 8. Pravilnika o izboru, imenovanju i razrješenju direktora osnovnih škola u Kantonu Sarajevo (“Službene novine Kantona Sarajevo“ broj: 2/18 i 32/18, 30/19) članovima Školskog odbora dostavljeni su Zapisnici o konačnim rezultatima glasanja vijeća roditelja i radnika škole u proceduri izbora direktora/ice škole na mandatni period od četiri godine.

Članovi Školskog odbora upoznati su da je izborna sjednica 28.09.2022. godine. U popis birača vijeća roditelja škole bilo je upisano 36 članova vijeća roditelja. Glasalo je 35 članova vijeća. Kandidati za direktora škole, abecednim redom, ostvarili su sljedeće rezultate: Mekić Emina je dobila 10 glasova ili 27,7% , Nermina Planinčić je dobila 25 glasova ili 69,4% , neupotrebljen je 1 listić i nevažećih listića nije bilo.

U popis birača radnika škole bilo je upisano 85 radnika škole. Glasalo je 82 radnika. Kandidati za direktora škole, abecednim redom, ostvarili su sljedeće rezultate: Mekić Emina je dobila 36 glasova ili 42,35% , Nermina Planinčić je dobila 43 glasa ili 50,58% , neupotrebljena su 3 listića i 3 su nevažeća listića

AD -7 Tekuća pitanja

Predstavnik Općine Novo Sarajevo Nusret Aganović, se zahvalio direktorici škole na saradnji prilikom organiziranja obilježavanja 1. Kopusa Armije BiH.

Direktorica škole, Nermina Paninčić upoznala je članove Školskog odbora o aktivnostima koji su trenutno provode u školi, a to je adaptacija kabineta fizike, hemije i biologije u saradnji sa UNDP, čiji se početak radova očekuje u oktobru/2022. godine.

Također, Ministarstvo za odgoj i obrazovanje Kantona Sarajevo obezbijedilo je 15 novih računara za informatički kabinet škole, a čija isporuka se očekuje u petak 30.09.2022. godine. Direktorica posebno ističe zadovoljstvo saradnjom sa Udruženjem Srce puno osmjeha, koji su organizirali manifestaciju „Sarajevo ljubavi moja“, pod pokroviteljstvom Grada Sarajeva, a čiji domaćin je bila JU OŠ „Hrasno“. Cilj je bila prezentacija vannastavnih aktivnosti, kroz kreativan, inovativan i zanimljiv način, a zadužene osobe su bile nastavnice Lemana Terzimehić i Adna Oković

Pod tekućim pitanjima nije bilo diskusije.

Sjednica je završena u 18:15h.

Zapisničar

Sekretarka škole

Azra Đonlić



Predsjednica Školskog odbora

Džanela Malkić, prof

ZAKLJUČCI

1. Zapisnik sa 11. redovne sjednice Školskog odbora jednoglasno usvojen od strane svih članova Školskog odbora.
2. Članovi Školskog odbora jednoglasno donose Odluku o usvajanju Izvještaja o realizaciji GPRŠ za školsku 2021/22. godinu
3. Članovi Školskog odbora jednoglasno donose odluku o usvajanju Godišnjeg programa rada škole za školsku 2022/23. godinu
4. Školski odbor jednoglasno usvaja Izvještaj o radu Komisije koja prethodi provođenju procedure izbora direktora/iec škole na mandatni period od 4 godine
5. Članovi Školskog odbora upoznati sa Zapisnicima o konačnim rezultatima glasanja vijeća roditelja i radnika škole u proceduri izbora direktora/ice škole na mandatni period od četiri godine

Zapisničar

Sekretarka škole

Azra Đonlić



Predsjednica Školskog odbora

Džanela Malkić, prof.